

DE LAVDIBVS
GREGORII XIII.
PONT. OPT. MAX.
ORATIO
CAESARIS LAVRENTII
E SOCIETATE IESV
AB EODEM HABITA
IN AVLA COLLEGII ROMANI
in annuis eiusdem Pontificis parentalibus.



VRBE VETERI,
Ex Typographia Bartholomæi Zannetti. M. DC. XX.

SVPERIORVM FACVLTATE.

THE

PROCEEDINGS

OF THE

LEGISLATIVE COUNCIL

OF THE PROVINCE OF ONTARIO

IN THE YEAR 1891

AS PASSED BY THE LEGISLATIVE COUNCIL

OF THE PROVINCE OF ONTARIO



PRINTED BY THE GOVERNMENT OF ONTARIO

1891

ILLVSTRISSIMO D.

D. IO. BAPTISTAE

SAMPERIO

PRO BONONIA CIVITATE

APVD

PAVLVM V.

PONT. OPT. MAX.

ORATORI

AZO ARIOSTVS BONONIENSIS

*Seminarj Romani Conuictor Sobrino Optimo**Felicitatem.*

DEVISTI (ORATOR
ILLVSTRISSEME)
annuis GREGORII
Tertij decimi parentali-
bus, quæ in Aula Collegij
Romani principe Societas
IESV persoluit. Cumq.

habitam, nomine vniuersæ Societatis oratio-
nem, luce dignam censor optimus iudicares,
ansam, Tibi eam inscribendi, vel præter opi-

nionem ipse tuam præbuiſti. Accedente præ-
fertim **MAPHAEI BARBERINI**
viri, vt purpura, ita eruditione clariffimi te-
ſtimonio, cui probata plurimum oratio, nul-
lius conſpectum reformidare poſſit. Neque
difficile fuit, cauſam, quare à me Tibi debe-
retur inuenire: Cum tu **GREGORIO**,
ego eidem per te ſanguinis affinitate coniu-
cti ſimus. Et non ingratum, vt puto, Patri-
bus Societatis facio, qui cum ſe plurimum
debere **GREGORIO** fateantur, **BO-**
NONIAE, vnde tantum, ac talem acce-
pere Pontificem gratificari ſtudent, dum Ti-
bi, qui eius Ciuitatis faciem refers, memoris
animi elucubrationes offeruntur, in quibus
parentis optimi nomen conſequentium ſecu-
lorum grata poſteritas legat. Vale.

ORATIO.



VI virorum Principum facta exornare dicendo conati sunt, **CARDINALES ILLUSTRISSIMI**, nec rarò, nec falsò grauem susceptæ laudationis Prouinciam causati, tam difficile esse, in ea perseveranter insistere, quam facile fuerat eandem subiisse, querebantur. Cum enim in viro Principe exaggeratæ summa virtutis facultatem superet Oratoris, haud dubie, de medio laudum curriculo desceat oratio, ingenio, materiæ debito destituta. Sanè Iulio Cæsari dixit Tullius, Traiano Plinius; vt interim omittam Mamertinum, qui Maximiano; Eumenium, qui Constantino; Ausonium, qui Gratiano; Pacatum, qui Theodosio panegyricos, & gratias adornauit. Verum quot, & quanti erant eo tempore oratores, in ipsis plane initijs, fatebantur, innumera-bilia Principis decora compendio includi, cogiq; non posse, quæ si quis voluisset amplecti dicendo, secula optare debuerat, hoc est, eam atatem, quam, qui laudabatur, viuere mereretur. Atque si hoc, illi de Principe qualiscumq. tandem is fuerat, sentiebant, quid ego de Pontifice, eoquè, & Maximo, & Optimo existimem, qui tantum virtute Principes reliquos antecedit, quantum à priuatis hominibus, Principes separantur? Nimirum diuini illa est hominis excellentia, cuius animus, vt singularem, virtutum, mediocritate planè aurea, temperatur, ita contrariarum, & inter se pugnantium affectionum societate perficitur. Hæc autem, (quantum interpretor) animi moderatio, supra cæteros gentium Dominos, Pontificem ornat tanto consensu decorum reliquorum, nihil vt maiestati demissione, nihil magnificentiæ parsimonia, nihil seueritati remissione, nihil benevolentia acerbitate, nihil obiurgationi lenitudine, nihil acrimoniæ comitate, nihil hilaritati tristitia, nihil festinationi tarditate, nihil simplicitati prudentia detrahatur; sed laudes vniuersæ, ducto quasi choro, implexis inter se manibus, insignis administræ, comitesque præstantiæ perpetuo conueniant. Quæ virtutum ornamenta variarum, dum breui excussione persequor in præsentia, reputate vobis cum ipsi, Auditores, me Pontificis Optimi, maximiq. imaginem, hoc est **GREGORIVM** Tertium decimum oratione conformare. Extabit opinor, eminebitq. splendidior tanti Pontificis gloria, è quadam sibi distinctæ, contrariæque commendationis conuenientia, quàm si solitaria poneretur. Ita igitur hodierna, & vestra hac luce, per summa Ciuilis capita regiminis incedam, vt dum Pontifici debita ornamenta virtutum paulò attentius inquirò, **GREGORIVM** ante oculos ponam: ex quo fiat, vt digna scitu, nec auditu iniucunda dicturus, qui cum labore aliquo scripsi, sine magno labore possit audiri.

Agite igitur, & primo cum sapientibus rerum ciuiliū aestimatoribus magnificentiam Principi tribuamus, quam ita facimus Pontifici propriâ, nihil vt intentatum in eo genere laudis oratissimæ sit relinquendum.

Atqui inanis est in Pontifice huiusmodi nominis altitudo, nisi affinem habeat magnificentia parsimonia. Videte per vestram fidem, è loco quam dispare, quam compar virtus in Pontifice commendetur. Ita est. Magnificus ergo sit Pontifex, atque ea liberalitatis amplitudine, quæ Pontificio Imperio, hoc est nullis terrarum finibus terminetur. Huic tamen magnificentia parcitas est adiungenda. Nempe eorum Pontifex bonorum à Deo hæres instituitur, quorum dispensationem suscipit, & patrocinium; Petri vestigia sequuturus, quem Christus ipse Pontifex immortalis ad regalem romani sacerdotij Principatum admoquit, communicatæ quidem potestatis copia locupletem, sed in tanta fortunarum inopia laborantem, ut vitam quotidiana scilicet opera, & industria tolleraret. Atque in hac gemina virtute Pontificia cardo vertitur excellentiæ. Cuius in utramque partem, quantum GREGORII virtus effulserit, dicerem sanè copiosius, nisi cogerer in primo statim vestibulo, adituque orationem quasi manu reprehendere. siquidè tritum est (inquiunt aliqui) hoc laudationis genus, & apud Gregorianos oratores peruagatum, GREGORII magnificentiam celebrare, in rerum excelsarum propositione, in munerum apparatione popularium, in quotidiana pecuniæ largitione, in regijs ædificijs excitandis, in vijs intra, extraque Vrbes aperendis, in Urbibus eleganter exornandis, in annonæ subsidijs prouidendis, in fontibus salubriter corriuandis in egenorum causis aut succiendis, aut iam collapsis alleuandis, vbique constantissimè promouendis: Quæ omnia, aliaque id generis sexcenta, ut magna, ut speciosa, ut admiranda, in summis, medijs, infimisque ordinibus, in Ciuibus, in externis, in domesticis, alienisq. alto rerum cumulo, animo vigenti, atq. constanti; vulgaria tamen in GREGORIO indicantur. Dumque Auditor inaudita cupidus, ac noua sitienter expectat eadem toties, quamquam splendide repetita eruditorum aures limatæ, ac teretes fastidiosius auersantur. Equidem hoc ego monitu ita ducor in presentia, ut non putem, idcirco prætereunda GREGORII in hominum genus planè vniuersum beneficia, quia propter commemorationis frequentiam neminem fugiant. An non decet beneficia quotidiana cum sint, eorum quoque memoriam æqualem, ac prope quotidianam esse? Non enim eius sunt notæ GREGORII merita, quæ cum ipso moriente desierint, sed quorum fructus perpetuò maneat, immò in dies crescat vberius. Ita planè persuadet mirificus in GREGORIVM non sensus modo, sed census etiam populorum, quos numero duos supra vicos Collegijs locupletauit ingentibus, multò utique gloriosius, quam olim Rex ille potētissimus Mithridates, qui populos viginti duos suis singulos Accademijs, disputantes omnium peritus linguarum excipiebat. Neque verò eam ob causam GREGORII magnificentiam cursim attingendam arbitror, quod apud oratores vñtata iam pridem ac perfamiliaris sit, sed quia quantum ad me attinet, ita penè obruo facinorum exuberantia maximorum, ut ad pauca festinans, quæ non perinde notæ omnibus seposui, reliqua breui potius indicanda existimem, quàm fusius exprimenda: quod vnicum est in operosissima rerum dicendarum mole vel remedium, vel alleuamentum.

Vnum tamen excipite in hoc genere memorabile, ex quo, & fiat de reliquis, quæ prætereo coniectura, & hinc interim intelligatur, quibus artibus GREGORIUS sibi ad honores viam aperuerit, nempe ijs, quas homines callidi ad regnandum ineptas, & plane præposterarum existimare, ac deridere solent. Attinebatur in Ælia mole post suorum calamitatem Cardinalis Neapolitanus, cui pereunte fortuna, ut sit, amicorum quoque subsidia perire. Angebatur animi Vgo Boncompagnus, quod ad eximendum amicum è custodia pecuniariam opem postulari subodoratus, videret, haud promptos esse eos, quibus iuuandi facultas abundè suppetebat, se verò, qui prompto, ac locuplete animo esset, tenui nimium fortuna retardari. Non desisteat tamen, si qua posset via ferre suppetias indigenti. Et quamuis non deessent, qui hominem admonerent desinceret eorum fauere causæ, quibus Pontificem iratum sciret; alioqui nihil esse proprius, quàm ut difficili, & periculoso tempore sibi, & suis officeret; non idcirco hæc illum terricula de ea mentis excelsitate deiecerunt. Audite iam, & facinoris, quod assero, momenta penditote. Vnicum, quo fruebatur Secretariatus Apostolici munus, sex aurorum millibus oppignorat, pecuniam sponte offert, inops amici indigentiam leuat. Non potui paucioribus plura complecti nam quid hic ego admirer Auditores, charitatè ne animi excelsissimi, qui supra fortunam suam emineret adeo, ut persona, quam Romæ cum splendore aliquo sustinebat, se se libenter exueret, ut amicum tegeret? An virtutem grati hominis singularem, qui cum à Paulo IV. designatus ad purpuram non admotus ob eius obitum fuisset, ita se deuinctum Carasensi familiæ ob beneuolū tantummodo animum Principis agnouit, ut illius voluntatem benefaciendi, benefactis opportunitate maximis, alacritate summis, efficacitate amplissimis compensaret: An potius æqui rectique amorem incredibilem, quod cum videret, idque audiret à multis posse se in odium Pontificis incurrere, sibi que certò præcludi ad honores viam, si factionis insensæ amicitiam præferret; nihilo tamen minus præ illa, qua se ad strictum meminerat grati animi obligatione, sermones hominum, inceptos honores, spem ipsam, qua nihil serius mortales exuunt, inter ipsamet gratiæ primordia singulari magnimitate contempserit. O ingentem excelsissimæ virtutis vim, o Pontificiæ magnificentiæ semen, immo, o dignam, & magno quidem Pontifice charitatem. Et verò sequentis postea temporibus, nonnulli cum primis vltima conferentes affirmarunt: Boncompagnum ex hac liberalitatis magnitudine, à Deo, qui, suis quæque momentis expendit, Pontificij honoris præmium retulisse. Venerat ijs in mentem, opinor, quidam, uti videbatur naufragus denarium semel, atque iterum, ac sæpius reportasset, nec vllum faceret poscendi finem, & sanctissimus interim Pontifex, quod præterea tribueret, non haberet argentam pateram, quæ reliqua domi erat, elargitus est. Quo quidem exacto, vel unico, non sine nummis afflatu veterum grauiores, pronunciarunt, GREGORIUM Apostolici Principatus honorem diuinitus accepisse. Ita prædictus in Vgone contigisse, simillimum vero putandum est: quem tu GREGORII

non magis appellatione magne, quam factis iam pridem ita chartam habebas, ita tuis similem moribus conformabas, ut cum, die tibi sacra redeunte, Purpuratos inter Patres adscriptum, & postea Pontificem tibi cognominem Roma salutauerit. Sed videte; obsecro vos, Auditores, quam saepe fallax sit hominum sapientia, seu potius, quæ sapientiam imitatur, quam politica, tam versuta calliditas. Pius ille Pontifex, quem offensum Vgoni suspicabantur ij, qui susceptam eo tempore tutelam, obiectabant: Ille, summa Vgonem beneuolentia complexus purpura, decorauit. Tanta virtutis vis est, ut dum non ita studiosis pro miraculo est, omnium sibi amorem, fauoremque conciliet. Nam cum Pontifex rem, uti cuenerat, audisset, reputaretque secum facinus hominis humano fastigio celsius: quod rerum omnium contemptor: quod non rogatus: quod sponte: quod in tempore: quod omnia dederit amico, eique egenti; quod etiam cum tanto sui benemerentis dispendio, spem ipsam, quæ Roma pascitur, amici compendio posthabuerit; Continuo accitum ad se hominem, non modo seueriore supercilio non accepit, sed pectus animæ magnæ plenum demiratus, semel, atque iterum amplexans honorificis primum verbis collaudauit, mox etiam muneribus auxit amplissimis, Concilij Tridentini patribus adiunxit, Carolo Cardinali Borromeo sororis filio, quem ad aras rite nunc colimus, consiliarium attribuit, Vaticana demum purpura cum præclaro virtutum eius elogio insigniuit, Ut hinc demum quod dicebam intelligas, quàm irritus eorum sit conatus, quamque præpostera sapientia, qui ut rebus suis incommodent, de amicorum commodis non laborant, sibi que duntaxat vnus viuunt ingrati. Atque si hæc, cum adhuc inter priuatos agebat Vgo, tenui cum censu, non sine metu amittendæ, certè sine spe amplificandæ gratiæ: quid, vbi Pontificio potitus Imperio, extra spem, ac metum fortunæ bonis omnibus abundabat, eique plane integrum erat, tantum erogare, quantum animo luberet suo, hoc est, quantum largissimis sumptibus par esse posset. Fama est constantissima, nullam omnino GREGORIO diem abijisse, non aliquo liberalitatis vestigio memorabilem. Regibus, & Dynastis religionis causâ pecuniarijs subsidijs, quàm saepe præsto fuerit, Vaticanæ tabulæ exaggeratæ summa pecuniæ refertissimæ proloquuntur. Et si de plurimis sumptuoso opere perfectis, ea solum, quæ in egenos conculcit, relegantur testatur Roma, quæ in aula Capitolij Principe erecta GREGORIO statua causam inter cætera supponit.

OB

SINGVLARI BENEFICENTIA
IN EGENOS DISTRIBVTVM
SEXTERTIVM OCTINGENTIES.

Ac si vicies centena aureorum millia numerentur, & tamen multo ad huc plura animo ille suo complectebatur, dolebatque sibi ad inopiam, propemodum redacto, nihil ferè amplius superesse, quod pauperibus, ut vocabat, suis, donaret. Neque in hac profusissimæ liberalitatis laude, verendum est, ne quis GREGORIVM adnumeret inter eos, qui quasi pecuniæ subitascantur suæ, ita effundunt omnia, ut non donent, sed projiciant

9
ciant, perinde quasi nō tam beneficiū conferre sciant, quā nesciant sua retinere. Etenim licet adeo magnificus esset, ac splendidus, vt inter Superiores Pontifices, liberalitatis nota, honorificentissime distinguatur, adeo tamen in delectu præcauebat, adeo in rebus domesticis, & secum rationem aliam inibat, vt n̄ quis GREGORII parcitatem circumspectat, & magnificentiam eius memoria non recolat, facile adducatur, vt dubitet restrictus plus æquo num fuerit, & tenax sui. Neque ego hoc loco, dicerem GREGORIVM adhuc Pontificem laceras vestes cubiculario sarcinidās commisisse, quæ consequenti hyemi prodesse possent: Non dicerem senis ē lignis foco impositis vnum, atque alterum, sua Pontificem manu subduxisse; Non (inquam) hæc dicerem, nisi, vt summæ magnificentiz adiunctam parsimoniam fuisse demonstrarem. Quæ duō miraculo proxima in Pontifice iuncta requirebam. Et ille quidem Romanus Princeps, quem deliciās suas Pop. Rom. appellauit; Quo beneficium, aiebat, in neminem contuli, diem peridi. Videte liberalitatem Principis indefessam. At eadem in concionibus nuadinari, & lucrari præmia solitus est. Videte eiusdem in suæ redintegratione pecuniæ parsimoniam. Quanto laudabilius, excellentiusq. GREGORIUS, qui quo die attente, atq. frugaliter rei vestiariz, & semiustulatis parcebat lignis, eo ipso die quindecim nummorum millia pauperibus erogauit. Vtrumque GREGORII virtutem in Cælum extollit, hoc est pulcherrimam, præstantissimamque naturam, intra quædam oppositæ laudis confinia, se se integrè, fortiterque continentem. Hanc porrò virtutem, de qua breuiter initio pollicitus eram, me dicturum, quia aliquanto liberius persecutus sum, efficiam, vt in ijs, quæ supersunt plus vobis ad intelligendum, quā mihi ad dicendum relinquatur. Quamobrem silentio prætermitto par illud virtutum magnificentiz, & parsimoniz non impar, maiestatem, ac demissionem. Cum tamen maiestas adeo locum habeat inter Pontificis laudes, vt quando ille auctor publicæ religionis vicariam operam præbet Deo, sicuti nulla vis præpotenti numine maior esse potest: ita secundū Deum nulla præter Pontificem amplitudo desideretur. Animi verò demissio, ita Pontifici esse curæ debet, vt ab salutis magistro, cui succedit splendidissimæ disciplinæ indolem haurire videatur. Et in hac quoque duplicis contentione virtutis in GREGORIO benè partē laudis gloria geminatur: In quo firmitas (vt in suo Augusto laudauit Plinius) & proceritas corporis, honor capitis, dignitas oris, ad illud vsque ætatis inflexa maturitas, plena maiestatis, atque suauitudo ornata, ea fuerant, quorum aspectu delectatus, admiratusque Ferrariensium olim dux, satis ostensum dixit in GREGORIO, quantum interesset inter Principem, quem fecissent homines, tumquē, in quem fors diuinitus cecidisset. Ecquis regnante GREGORIO splendor comitatus, quis aula decor, & species, quæ quantaque virtutis omnis sidera Romano in Cælo iuncta Gregoriano Draconi, reciprocato lumine, præfulgebant. Certe purpuratorum confessus patrum, qui vnus instar omnium esse solet, non modo eo tempore Dynastarum, & Principum, sed etiam Cæsarum sanguine purpurascens quæ nobilitatis, quæ litterarum, quæ religionis iam tunc semina com-

præhen-

prehenderet, palam fecerunt postea è Gregoriano numero quatuor ad Pontificatum admoti, digni vero, qui admouerentur oppidò plurimi. Hanc ille maiestatem, quanta demissione temperabat, qui in vberissima conuenientis gloriæ segete ab omni fastu, imperiosisque moribus alienus, quo beneficentior erat in plurimos, eosque nobiles, ac verecundos pauperes, eo sæpe studiosius humanæ laudis contemptor egregius occultabat se sei. In hac diuinæ dissimulatione virtutis Nili fluminis ingenium referens, cuius stagnantibus aquis fructus elicitur: Caput verò vnde nam deriuetur, deprehendi, notarique non potest. Cuius virtutis caput, licet ob temporis angustias, ego quoque silentio cogar abscondere, pauca tamen si liceret, afferrem de seueritate, atque clementia, geminis quoque virtutibus, quæ in Pontifice cum maiestate, & demissione, mirum quàm appositè congruunt. Nam seuerus sit oportet Pontifex, quem penes sacrosanctæ legis vltorè Ecclesiasticæ præfecturæ custodia vigeat, aduersus superstitionis incendia, religionis naufragia, æterna animorum damna inexpugnabilis, ac metuenda. Mitis deinde, & clemens, cuius seueritas (vt imperatum est) non septies modo, verum septuagies etiam septies indulgentia conditur. Et hic etiam in GREGORIO ab vno, eodemque quali partu gemella virtus elucet. Mentiatur, nisi singularis illa seueritas censenda sit, cum grauissimo Germaniæ tempore, Truxesium Archiepiscopum Coloniensem à vera religione desciscētē GREGORIUS celeritate mirabili, auctoritate Pontificia Episcopatu mouit primum, mox etiam incitato milite fortiter fudit, vsque eo, dum Ernestus Bauarus Colonienſis Ecclesiæ voto sufficeretur. Quæ res quanti ponderis fuerit, & momenti, non est huius loci pluribus inuestigare, satis intelliget, qui viderit, ad Christianæ religionis incolumitatem, quanti faciat in designatione Romanorum Regis, atque in ipsa Imperatoris Augustissimi creatione eos potiri suffragij iure, quibus vera religio curæ sit. Ac si Diuinæ prouidentię beneficio, nostro hoc æuo, inter septem viros Principes, Catholici non impares hæreticis numerantur, an non inferiores essent in præsentia, nisi GREGORIO Iudice, ac vindice, desertor ille fidei, merita seueritatis animaduersione multatus, pœnam facto debitam retulisset, eo deturbatus gradu, quem hodie Ferdinandus Bauarus pari pietate defendit, atque constantia. De benignitate verò, seueritati suppare, nihil attinet dicere, cum hæc insita GREGORIO à primis annis, vel potius innata fuerit. Non enim ignotum est, inter libellos supplices lætandos, & audiendos, sæpe numero visum esse ad egenorum calamitates, & vultu, & voce, & collacrimatione commoueri, quas demum lacrimas, gemitusque non nisi benignè, ac liberaliter faciendo consolabatur. Non possum paucioribus cuncta complecti; sed dum seueritatem, atque clementiam breuiter expedio, omittam nè debitam Pontifici vigilantiam in Pontificia ditione amplificanda, & endem omninò parem in alienis commodis, & tutela? Illam, quia Ecclesiæ patrimonium tueri Pontifex debet, quod sine irato numine violari non potest: hanc, quia pater est omnium gentium commune perfugium, asyllum quietatis, & quietis. Dissona videntur hæc duo: pari studio suæ, atque alienæ utilitati consulere;

consulere; sed in GREGORIO tenor vitæ consonans per omnia sibi respondet. Traditum enim ille sibi à Deo patrimonium integrum adeo, illibatumque seruauit, vt videri possit in hoc vnum curas, ac studia contulisse; seruauit ne? immò seruatum insigniter amplificauit. Nempe auctore GREGORIO subductis aliquando rationibus Pontificiæ ditionis iactura deprehensa est. Ergo proceribus restitutione præscripta ad Ecclesiæ dominatum, quasi postliminio, rediere, cum Trecentinorum foro Ciuitatè quadraginta oppidorum capita fortunæ non leuis, ex quibus in Apostolicas tabulas, annis singulis, centena nummorum millia referri cœpta sunt. Et si gloriari solebat Augustus, Vrbem se reperisse lateritiâ, reliquisse marmoream; An non sibi etiam gratulari GREGORIUS queat, Vrbem, quam minus celebrem, & copiosam reperit, reliquisse, non tam ædificijs, ac molibus, quàm quadraginta populis ampliorem? Neque hæc (inquam) rerum suarum cura GREGORIUM continebat, quo minus, eadem alacritate Reges, & optimates, diuinæ vinculo pacis illigatos, excitaret, impelleret, inflammaret aduersus communem hostem, nefariumque christiani nominis parricidam, suas vt quisque partes tueretur, & ipse Pater omnium, omnium quoque commodis prouideret. Peccem aduersus vestram in me audiendo patientiam, Auditores, hæc si copiosius tractem; atqui si cuncta præteream omnino, bis peccem. Date hoc igitur, vt vnum saltem, aut alterum delibem è plurimis, à quo quantum GREGORIUS de aliorum Principum, rerumque publicarum, atque eorundem Principatus incolumitate laborauerit, intelligatis. Genua peruetus, atque opulenta Respublica, suborto inter antiquas, nouasque familias graui dissidio, in aperta factionum diuortia rapiebatur, & iam publico Ciuitatis nomine ad Vrbem mittebantur oratores, qui Pontificis opem implorarent, vt luctuosissimæ seditioni, auctoritate sua, finem imponeret. Quid amabo vos, hac oblata rerum administratione splendidius Ecclesiæ esse poterat, aut ipsi GREGORIO, si gloriam quæsiuisset, gloriosius? Verum non sua ille commoda, aliorum damnis anteferebat. Igitur saluberrimi consilij magister optimus, cura Card. Morono, singularis prudentiæ viro, commendata, tumultuantium ciuium ingenia emollit, in omnem partem spe, metusque versat, optimis imbuic rudimentis. Quid opus est multis? beneuolentissimæ significatione charitatis teterrimam illam domesticæ seditionis caliginem dispulit, reddiditque animos quieti, & pristinæ Rempublicam libertati. Tantum, est nulla vel sua, vel suorum vtilitate quæsitâ, parentis integerrimi nomen vbique sustinere. Neque sui dissimilis GREGORIUS fuit in altero, quod cum Vrbinatium Duce florentissimo peractum est. Vrbinates impositum vestigal, quia graue videbatur Duci Vidobaldo pendere abnuebant. Cum autem, qui Ducis partes sequebantur, adhibita etiam vi, pecuniam exigèrent; ij verò Principis voluntati obfirmato animo repugnarent, comparato vtriusque exercitu, lis in medio intendebatur, non alio vtique dirimenda, quàm ferro. Res ad GREGORIUM properè defertur: Is scriptis ex templo litteris, acriter monet, Vrbinates arma deponant, initum consilium emendent Duci obediētes suo. Neque

enim posse se Ducis parti non fauere, cui v&aligal huiusmodi à Superiore Pontifice indultum fuerat. Ex altera parte Ducem si respiciant populi, ad dandam impunitatem adhortatur. Vno verbo, ad GREGORII nomen arma deponuntur, ac per obedientiam populus, perueniam. Princeps, odium amore commutant: tantum GREGORIVS binis litteris, potuit, quantum, neque à populo suum erga Duces obseruantia, neque à Duce incussus etiam populo metus impetrare potuisset. Quamquam aliud hic est, quod GREGORII in Principes studium probat nō v&itatum, non vulgare. Quis enim est, qui non videat, conf&rtissima coniuratorū manu, aduersus Ducem ad eon&lictum parata, atque impetu, ferociaque p&ocurrente, si Pontifex tantum con&nieat, fore, vt illum sibi dominatū tanta eum Pontificis gloria Sedes Apostolica repetat? Sed non hoc ferre p&otuit GREGORII Parentis optimi in Principes charitas. Ab eodem enim Duce non ita multo post interrogatus, cur tantæ sibi fuisset cura illius temporis, casusque tranquillitas. Id responsi loco dedisse GREGORIVS perhibetur, vt inde colligeret Princeps, qui Sixtum, & Iulium olim Pontifices sibi consanguineos, & optime de se meritos habuit, habere se GREGORIVM in p&æsentia, nulla quidem sibi sanguinis societate con&iunctum, sed qui erga Principes omnes amore, & cura cedat omnino nemini. O p&ectus, animumq. Parente dignissimum. O verè dignam Pontifice vigilantiam, vt nemo miretur in posterum GREGORIVM adeo Regibus, atque optimatibus clarum vixisse, cuius manu, consilioq. tuto niterentur. Vnum iam superest ex ea, quam proposui coniugatione, virtutum; claudamque orationem meam, vbi postremò dixero in Pontifice suum sibi quoque locum petere adiunctam simplicitati prudentiā. Ad cuius prudentiæ normā, quantum eon&ilia GREGORIVS sua, quantum dicta, factaq. omnia, æquis perpetuo momentis obseruatā, discretis causis, v&triusque fortunæ temporibus aecommodata in vitæ consuetudinem, v&sumque referret, quantumque illud, quod frequenter iterabat: maturè propera: etiam moribus exprimeret, multorum annorum periclitatione comprobatum est. Et, si prudentiæ nomine, cognitionem illam v&surpemus, qua sapientes ad vitæ Ciuilis instituta dirigantur. Profecto GREGORIVS non parum auctoritate summa, illi eon&suluit. Cum glossema Canonici Iuris (Decretum nominant) quod nonnullorum vel in curia, vel malitia haberet aliqua falsò inculcata pro veris, multa perperam inuersa, plura turpiter amputata, Pontifex optimus, ipse Censor opus Regnis, Regibusque perniciosum castigauit, adhibuitque idoneam f&adissimis Rerum publicarum vulneribus medicinam. Nec minori, aut eius gloriæ, aut v&tilitati c&eterorum fuit illa dierum supputatio, ante actis sæculis expetita, à multis olim Principibus attentata, à GREGORIO demum exp&edita, certis, statisque solis con&ersionibus, vbique, sacros, feriatisque dies celebrandi. Et sane percommode cecidit GREGORIO; vt non solum eum reliquis Romanis Pontificibus commune haberet, eius in terris personam gerere, cuius ordinatione p&seruerat dies, sed etiam supra reliquos Pontifices p&euiliare, quod ab hoc in super capite diuinæ similitudinis speciem, ætatum, & seculorum arbiter p&æferret. Atqui si

verius prudentiæ nomen accipias, quod opportunitatis est scientia idoneorum temporum ad agendum; ex amplissima terrarum vastitate, dicere Vrbes, Prouinciæ, Regna, cum vos vnus, manu, consilioque complexus GREGORIUS quicquid sincerum, quicquid castum, quicquid pium, quicquid Religioni proderat, curaturus, exitus periculis obnoxios, difficultatibus impeditos, conditione dubios, aggressionem formidolosos, genere magnos, numero varios, imitatione, saluberrimos, commemoratione præclaros, immortalitate dignissimos caute, celeriter, fortiter, pie, feliciter assecutus est. Et quoniam non ignorabat à Socrate, & Xenophonte eos optari Principis ministros, qui prima prudentiæ laude reliquos antecellerent; considerate: si placet, quos muneris adiutores sui GREGORIUS adhibebat. Romæ Christianæ disciplinæ restaurandæ БОРОМЕЙ iam inter sanctos adscriptum; Catholicæ rei vbiq. terrarum, promouendæ, Albertum Archiducem in Lusitaniam, Andream in Germaniam, Flauium Ursinum, in Galliam, Columnam, Sfortiam, aliosque alio, præter eos, quos eximia sanctimonix, & doctrinæ viros ad orbis terrarum partes, vel remotissimas destinabat: quorum prudentia, & GREGORII potissimum institutionibus effectum est, vt tot annorum spatio Christiana Respublica in altissimæ pacis otio conqueuerit. Hæc autem, quam indicavi prudentia mirum quantum laudis accepit à simplicitate ei adnexa à qua GREGORIUS felicitatis suæ duxit originem. Adeste, oro vos, Auditores, eaque, si videtur, tempora recordamini, cum ante Pontificatum Cardinalis Boncompagnus ad Philippum Secundum Hispaniarum Regem delegatus est, qui de Archiepiscopo Toletano in suspectæ Religionis causa iudicaret. Ecce tibi, Legato causam aggrediente, nonnulli vrgere, vt etiam consiliarijs, quos sibi Legatus adiunxerat in Hispania, iudicandi suffragium tribuatur. Repugnat Cardinalis, ad quem sententia pertinebat, reliqui verò tantummodo in consilium vocabantur. Rex, qui ea super re ad Pontificem scripserat, expectandam eius voluntatem esse contendebat. Inanis hic expectatio est (subdit Legatus) vbi nulla huiusmodi facultas ab Vrte ventura sit. Quidni, Rex instat, Pontifex si iubeat non parebis? Animaduertite hominis coram tanto Rege libertatem, sinceritatemque animi singularem. Equidem Rex optime, inquit, vel si Pontifex impetret, eius interim mentem interpretatus, non parebo. Facturum enim me operæpretium existimarem, si Pontifici ipsimet opponeret in eo, quod cum eiusdem Pontificis auctoritate, meaque cum dignitate non consentit. Rex hominem non mediocriter est admiratus (mirum est, quod non dicturus, Auditores, quodque, vti hæc Legati responsio insolitam eius integritatem, candoremque pectoris ostendit, sic Regis animum vbiq. compositum, & recti, æquique peramanter summo opere commendat) non erat liberis hisce vocibus assuetus Rex, eorum nempe vitio, qui grata dicere, quàm vera malunt. Agnoscebat tamen, qua erat ingenij solertia, inter homines, atque imagines hominum discrimen; vno verbo, Legatum abs se maiore, quàm vnquam antea veneratione dimisit, eoque absente pronun-

pronunciauit; felicem Christi Ecclesiam, & fortunatam fore, hunc si aliquando Pontificem nancisceretur. Et verò ut nancisceretur, iam tunc in animum induxit suum, atque uti induxerat, ad extremum voti compos effectus est. Quod quomodo non multis post annis acciderit, ut enarrarem, ab Hispani Regis Aula ad Romanum Conclauē gradum faciam, qui gradus Boncompagno felicitatis humanæ fastigium fuit, idemque futurus est finis orationis meæ. Antiquum Icellesiæ Phaliscorum ius Antistite eius mortuo, ut ad se rediret, Alexander Cardinalis Farnesius flagitaturus videbatur à Patribus, cum, Pio iam vita functo, de futuro Pontifice deliberaturi conuenissent: quam postulationem æquam, honestamque esse nonnulli confidenter asserabant. At Farnesius nihil æque veritus, quam iustam sapientium reprehensionem, Boncompagni Cardinalis amicissimi, prudentissimique capitis consilium explorauit. Hic, ut ab huiusmodi petitione desisteret, duobus præsertim nominibus persuasit, tum quod periculum foret, ne ab hac impetratione sibi aliquam inuidiam pareret, vel non nihil Cardinalem Alexandrinum afficeret, cuius Auunculus Pius ius illud redeundi denegauerat; tum ne ingratum secuturo id Pontifici videretur, cuius benignitatem occupare voluisset. Boncompagni consilio, quod animo ipsemet Alexander ante conceperat, acquieuit: hoc tamen, cum aliquibus communicatum, breui quasi per manus (ut sit) omnium sermone percrebuit. Queritis, qua Patrum opinione, qua laudis, honorisque mercede? ea, quæ tantæ sinceritati, candori, & integritati debeatur. Cum enim Cardinales non ignorarent Boncompagnum providere, si qua forte inter Alexandrinum, & Farnesium oborta altercatio esset, omnia, quæ utrique obfuisse sibi profutura, utpote qui cæteris aliquâ ratione decrefcentibus, ipse cresceret, nihilo tamen minus, quod æqui rectique amator, bene merei maluerit de amico, quàm conditionem suam meliorem facere; Hoc enim vero eorum cepit animos, hoc in sui admirationem, amoremque pertraxit. Igitur vix conclauē excipiuntur sacri Patres lecturi Pontificem, cum summum ei Imperium deterrendum prorsus animis, & votis consensere. Tanta difficillimi negotij festinatione, ut diuina illa Pontificis electio vnus solis ambitu breuior eueniret ei, cuius virtus iam pridem sole clarior emicabat. I nunc, & Romanæ felicitatem Aulæ casui, & fortunæ, non virtutibus adscribendam puta. I, & nega supremum honorem culmen attingere quemquam posse, qui temporis non seruiat, qui felicitæ calliditati non studeat, qui amici (ut aiunt) vmbra non excutiat, non laceret, non euersam velit. Quin potius, hinc ad discere quàm inanes sint eorum conatus, qui virtutem vitæ Duce[m] non sequuntur. Etenim GREGORIUS, ut dicebam, ad summa quæque euectus, ostendit ijs artibus parari ad honores viam, quam isti, qui sibi callidi videntur, declinandam præcipiunt. Quid enim? Grati animi obligatione, ut putabat, adstrictus, familiæ Pontifici insensæ amicitiam præfert: ergo apud Pontificem grati iacturam facit? Immo eandem amplificat, ab eodem nouis benevolentis signis excipitur, purpura cohonestatur, & tanquam virtutis exemplar amplissime

cæt eris

exteris hoc elogio à Pontifice proponitur. En hic, in quo non est inuentus dolus. Ecclesiastice immunitatis causa, cum Rege potentissimo quam vllus vaq iam alius liberius agit: Ergo apud Regem grauius offendit, aut etiam iracundè procul illiò remouetur? Immo maiorè, quam antea veneratione exceptus, ab eodem palam collaudatur, magnæque molis capax, ac dignus Pontificatu requincitur. In dando consilio, aliena comoda suis anteponit: Ergo inconsultus rerum suarum negligens, in pr honoribus irridetur? Immo Apostolici Principatus curam, eo potissimum nomine, quia æquitati posthabebat, accepit. Pontifex insigni liberalitatis amplitudine omnia videtur effundere: Ergo cuncta prodigè dissipantur? Immo singulis annis centenis aurorum milibus Ecclesiæ census augetur. Atque (vt cum primis tandem postrema conueniant) hæc illa est maximi, optimique Pontificis excellentia, cuius animam, vt singularum virtutum mediocritate composuit, ita contrariam, & inter se quasi colluctantium affectionum societate perfecit. Tanto consensu decorum reliquorum, vt GREGORIUS eodem à me gratulationis genere, quo Traianus Imperator à Cajo Plinio compellari possit. Confluxere in te, Princeps, vniuersa, quæ in partes distributa singulos exornare solent. In bello quis enituit, sed obsoleuit in pace, aliquem toga, sed non arma cohonestarunt, reuerentiam ille terrore; hic amorem humanitate captauit; ille quæsitam domi gloriam; in publico; hic in publico partem, domi perdidit. Postremo rari mortales sunt, quorum virtutes nullo vitiorum confinio tementur. At tibi tanta concordia laudum omnium, omnisque gloriæ contigit, vt fingenti, formantique Principem, ipse perfectissimæ simulacrum virtutis occurras. Cui, præter Plinianum præconium, multo nos æquius debeamus illud.

Sparguntur in omnes

Inte mixta fluunt, & quæ diuisa beator

Efficiunt, collecta tenet.

Claud.
in laud.
Nip. p. 2.

Collegit quidem GREGORIUS, & decora virtutum omnium coacta finu continuit, & cuncta tanquam manu comprehendit. Obiectum, Macedoni per deridiculum fuit, quod si altera manu orientem, altera occidentem attingeret, nesciret tamen vbi nominis fulgorem sui conderet. At hoc serio in GREGORIUM cadit; quod ab occidentis finibus, extremas orientis oras virtute, & Christianæ Religionis propagatione peruasit. Neque tunc GREGORIUS ignorauit, vt Macedo, vbi sui fulgorem nominis collocaret, cum ad pedis osculum exceptis orientis oratoribus; eius (inquam) orientis, cui ipse per suos aperuit diem, plenus annis, & gloria, dimitti se tandem ex hac vita, sanctissimo illi seni per similes postulauit, vtque postulauit, sic mortem optatis parem, maturus iam Cælo, securus de Immortalitate nominis impetrauit. Cuius acerbissima recordatio, à quo in hac anniuersaria tristissimi funeris commemoratione non exigit tributa lachrymarum, aut saltem aliquem doloris sensum? Vnam ceruicem Pop. Romano optabat seuus ille Imperator, quo facilius vno ictu posset abscindi. Urbium ornamenta, Ciuium

commoda.

commoda, egenorum preces, artes bonæ, Religionis patrocinium, totius plane terrarum orbis clientela, vnum caput habuisse GREGORIUM, hoc, vno ictu mortis absumi optabat impietas. Et poterit vnquam esse tam chari capitis desiderio modus? poterunt ad nomen GREGORII, hoc est, ad charitatis, magnificentiæ, vigilantæ, prudentiæ, sinceritatis, clementiæ, nomen, non excitari in omnium animis totidem nomina beneuolentiæ, admirationis, cultus, doloris, pietatis?

Hor.
Car.
lib. 1.
ad Vir.

Multis ille quidem, flebilis occidit,

Nulli flebilior, quam tibi.

SOCIETAS IESV: Quæ dum non frustra es in GREGORIUM pia, eo quamuis mortuo, geris adhuc in fronte nomen ab eodem inscriptum, RELIGIONI, AC BONIS ARTIBVS, geris in corde eiusdem, quam hic palam habes imaginem; geris in ore, hoc, quod amplissimis munita priuilegijs, ingentibusque aucta beneficijs, in hoc totius ordinis seminario, vniuerso terrarum orbi legendum proponis, tui erga Parentem optimum grati animi monumentum. Vt quamuis multa homines obijciant huic familiæ, ingratam certè nemo vnquam, vel in speciem, appellare possit.

LAVS DEO.

